

Alles gurgelt!

Für mehr Schule.



Informacije za roditelje i staratelje učenika/ca zanatskih škola

1



Što redovnije tvoje dijete učestvuje u besplatnom programu testiranja „Alles gurgelt“, to sigurniji će biti svakodnevni školski život i provođenje slobodnog vremena. Time ćeš **zaštititi** svoje dijete i ljude oko sebe. Da bi se u školama moglo učestvovati u programu testiranja „Alles gurgelt“, potrebno je da se školi preda potpisana **Izjava o pristanku**.

2



Postoje dvije mogućnosti da tvoje dijete dobije **testne komplete**:
- Mogućnost 1) Registracija na lead-horizon.org/public. Odlazak po testne komplete u bilo koju BIPA filijalu u Beču sa ličnim kôdom za preuzimanje.
- Mogućnost 2) Testni kompleti se mogu uzeti u **školi**.

3



Ako je tvoje dijete već registrovano za „Alles gurgelt“ i ako se već testira kod kuće, onda unesi dodatno **informacije** o školi i razredu u web aplikaciju. To možeš učiniti prilikom unošenja ličnih informacija. Za to mora tvoje dijete pokrenuti novi test s web aplikacijom i može zatim u ličnom profilu izvršiti povezivanje sa školom/razredom.

4



Za siguran svakodnevni školski život tvoje se dijete može testirati **grgljanjem** kod kuće pomoću web aplikacije ili **ispiranjem** usta testnom tečnošću u školi pod nadzorom učitelja/ice.

5




Boksovi za predaju testova u školi **prazne se od ponedjeljka do petka u 8.30 sati**. Uzorke zatim analizira COVID laboratorija Lifebrain. Rezultat testa je po pravilu dostupan na početku sljedećeg školskog dana.

Dodatne mogućnosti za predaju testova:

- pon-sub: u bilo kojoj REWE filijali (BIPA, BILLA, BILLA PLUS, PENNY) te na benzinskim stanicama (BP, SHELL, JET, OMV i ENI) i na željezničkim stanicama ÖBB-a (West, Meidling, Hauptbahnhof)
- nedjeljom & praznicima: na benzinskim stanicama, željezničkim stanicama Meidling & Hauptbahnhof (po uzorke se dolazi u 9 i 14 sati)

6



Ako u web aplikaciji ili u Izjavi o pristanku, koja se predaje školi, navedeš neku **e-mail adresu** za svoje dijete, dobit ćeš direktno od COVID laboratorije Lifebrain obavještajni e-mail o rezultatu testa. Za preuzimanje nalaza svog djeteta dodatno je potrebno da navedeš i važeći broj mobilnog telefona.

7



Ako se ne navede e-mail adresa, škola će tvoje dijete ili tebe obavijestiti **telefonskim putem** u slučaju pozitivnog rezultata jer učitelji/ce imaju uvid u rezultat testa putem školske web aplikacije.

8



Škola je uvijek informisana o svim **testnim rezultatima** učenika/ca. To olakšava kontrolu testova i čini svakodnevni školski život sigurnijim.

Imaš li pitanja?

Sve informacije možeš dobiti na schulen.allesgurgelt.at ili telefonskim putem na dežurnoj liniji **01/90 223** (svakog dana od 6.30 do 20 sati).